



18. august 2017

UKA 2017/57

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqummiuppara:

Innuttaasut qarasaasiakkut toqqaannartumik kigutilerisumut piffissamik inniminniisalnissaannut periutsimik ineriartortitseqqullugit pilersitseqqullugillu Naalackersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Justus Hansen, Demokraatit)

Tunngavilersuut

Kingutilerisumut inniminniisarneq ullumikkut nutaanngitsorujussuarmik pisarpoq. Ullaaralaakkut aggettariaqartarpoq, takkukkaannilu normumik tiguseriarluni utaqqillutik tullerriaartunut ilannguttariaqartarluni. Sorpassuartigut innuttaasut piffissaajarneqartarput naak inuunivimmi inuppasuit qarasaasiap eqqannguaniikkaluartut imaluunniit oqarasuaammik angallattakkamik tigummiartaualuurtut.

Demokraatini isumaqarpugut periarfissaasariaqaraluartoq qarasaasiakkut kigutileriffimmut inniminniisarfirmik ineriartortitsinissaq pilersitsinissarluni, innuttaasut ullaaralaakkut takkullutik utaqqisariaarullugit.

§ 37 naapertorlugu apequtinnut normu 141-mut akissummini Naalackersuisoq oqarpoq imaaliiallaannaq qarasaasiakkut inniminniisarfirmik pilersitsilersaatik.

Tunngavilersuutigineqartunut ilaavoq innuttaasut qarasaasiallit pitsaanerusumik kiffartuunneqalissasut, tamannalu "peqqinnissakkut assigiimmik sullinneqarnissamut" akerliusoq. Tunngavilersuut alla tassaavoq utoqqarpaalussuit qarasaasiaqannginneri taamaasillutillu allanut innuttaasunut naleqqiullutik ajornerusumik inissisimalernissaat.

Taakku tunngavilersuutigineqartut tamarmik takutippaat ajoraluartumik ikiorfeqanngitsumik nutaanngippallaarujussuurtumik 2017-mi inuuneq piviusoq isumaqarfigineqartoq. Piviusormi tassaavoq innuttaasut amerliartuinnartut qarasaasiamut appakaassinnaalernikuusut. Inuit angerlarsimaffimminiik qarasaasiamut appakaassinnaanngitsut atuakkanik atorniartarfiliarlutik internettersinnaapput imaluunniit ikinngummini ilaqtarmiluunniit arlaanni. Utoqqaat qarasaasiamut appakaassinnaanngitsut immaqa qitornaminnit ikiorneqarsinnaakuttooraluarput.

Demokraatini isumaqarluinnarpugut ajornartorsiutaanaviannngitsoq. Tamatuma saniatigut "peqqinnissakkut tamat assigiimmik pineqarnissaannut" tunngavilersuut pissutsini piviusuni tunngavissaqanngilaq. Imaannginnerluni illoqarfinni annerni innuttaasut nunaqarfippassuarnut



nakorsaqaangitsunut naleqqiullutik nakorsiarnissaminnut periarfissarissaarnerusut? Nunaqarfinni tamani nakorsaqaalissaagut imaluunniit illoqarfinni nakorsat ikilisassavagut, kikkut tamarmik "peqqinnissakkut naligiimmik pineqaqqullugit"?

Nammineq uanga Tasiilami najugaqarpunga, oqaatigissavaralu nammineq uanga illoqarfinni nakorsiarnissaq Nuummi nakorsiarnissatut ajornanngitsiginngimmat.

Tamatuma saniatigut Nuummi innuttaasut www.doktor.gl atorlugu ilaatigut nakorsaatinik pinissaminnut allagartanik nutarterisinnaareermata. Piffissamik sipaarfiulluartumik aamma taamaasilluni Nuummi innuttaasut Dronning Ingridip Napparsimavissuani pitsaalluinnartumik kiffartuunneqartarput, sivikitsuinnaap ingerlanerani kingornalu nakorsaaserivimmut nakorsaatissaminnik aallipallassinnaasarlutik. Nuummilu inuit tamarmik qarasaasiamut isersinnaanngikkaluartut peqqinnissaqarfik taamaattunik neqerooruteqarsinnaavoq.

Naalackersuisut aamma isumaqarnerlutik kiffartuussineq taanna atorunnaarsinneqassasoq qularnaarumallugu kikkut tamarmik peqqinnissaqarfimmit assigiimmik sullinneqarnissaat?

Kikkulluunniimmi takusinnaavaat uanit "peqqinnissakkut kikkut tamarmik assigiimmik pineqarnissaat" tunngavilersuutitut atorneqarsinnaanngitsoq. Kiisalu aamma kigutilerisumut qarasaasiakkut piffissamik inniminniisalernissaq eqqarsaatigalugu.

Siunissaq qarasaasiamiippoq Naalackersuisut nuannarippassuk nuannarinngikkaluarpassulluunniit. Qarasaasiakkut kigutilerisumut piffissamik inniminniisalernissaq nammineq isumassarsiatsialaavoq, innuttaasut oqilisaanneqassapput aamma qularnaarneqassaaq pitsaasumik sullinneqarnissaq nassataanillu innuttaasut aamma kigutiginnerulissapput. Tamatuma saniatigut peqqinnissaqarfiup ilaralaannguani qarasaasiakkut piffissamik inniminniisalernissaq immaqa misiliinertut atorneqarsinnaavoq peqqinnissaqarfiup sinnerani qarasaasiakkut piffissamik inniminniisalernissaq siunertaralugu.

Partiit allat saqqummiussinissaannut kiisalu Naalackersuisut akissuteqarnissaannut qilanaarpugut.

Aningaasatigut allaffissornikkullu pisortanut kingunerusussat

§ 37 naapertorlugu apeqqummut nummer 141-mut akissuteqarnermini Naalackersuisup oqaatigaa, oqaatigineqarsinnaanngitsoq qarasaasiakkut toqqaannartumik inniminniisalernissaq qanoq akeqassanersoq. Taamaattumik toqqaannartumik aningaasatigut kingunissai oqaatigineqarsinnaanngilaq. Siunnersuut akuerineqassagaluarpas qarasaasiakkut toqqaannartumik inniminniisalernissamut aningaasat Peqqisutsimut Naalackersuisoqarfimmi kigutigissuunissamut missingersuutinit aaneqarsinnaapput.



Allaffissorneq eqqarsaatigalugu qarasaasiakkut inniminniisoqartalissagalarpat kigutilerisut sullissilluarnerunissamat pilersaarusiorderusinnaangussapput.

Aningaasatigut allaffissornikkullu sullivinnut namminersortunut kingunissai.

Aningaasatigut allaffissornikkullu siunnersuut sullivinnut namminersortunut kinguneqassanngilaq.

Aningaasatigut allaffissornikkullu innuttaasunut kingunissai

Innuttaasunut aningaasatigut kinguneqassanngilaq, kingutilerisumullu piffissamik inniminniisarneq pisariinnerussagalarpoq piffissartornannginnerulerlunilu, tamatumalu nammineq innuttaasut kingutiginnerat pitsanngorsassavaa.